

CONVENIO DE COLABORACIÓN ENTRE O EXCMO. CONCELLO DE LUGO E A ENTIDADE CORPORACIÓN HIJOS DE RIVERA, S.L. PARA A CELEBRACIÓN DA XXIII EDICIÓN DE ARDE LUCUS 2024

Lugo, 13 de mayo de 2024

REUNIDOS

Dunha parte, Don Jorge Bustos Atanasio , con DNI número 33.537.892M , en nome e representación do Excmo. Concello de Lugo (en adiante Concello), con NIF P-2702800-J, e enderezo en praza Maior s/n, actuando en calidade de Concelleiro de Xuventude e Deportes, conforme ás atribucións que lle son outorgadas polo artigo 124 da lei 7/1985, de 2 de abril, Reguladora das Bases de Réxime Local conforme ás delegacións de competencias segundo o Decreto 464/2024 de 19 de xaneiro de 2024 do Libro Único de Resolucións.

Doutra parte, Don Antonio Viejo Puga, con DNI núm.36102668L, en nome e representación da sociedade CORPORACIÓN HIJOS DE RIVERA, S.L., con NIF B70313507, con enderezo na rúa José María Rivera Corral, núm. 6, Polígono de la Grela- Bens, na súa condición de apoderado, de conformidade coa escritura de poder outorgada ante o Notario de A Coruña, D. Francisco Manuel Ordóñez Arman, en data 25 de novembro de 2011, con el número 2.998 da orden de su protocolo (en adiante, a "Empresa").

Ambas partes recoñecéndose capacidade para subscribir o presente **CONVENIO DE COLABORACIÓN**, (en adiante, o "Convenio"), e

MANIFESTAN

Que, de conformidade co disposto nos artigos 25.1 e 2 da Lei 7/1985, de 2 de abril, Reguladora das Bases de Réxime Local ("LRBRL") e 80.1 e 2 de la Lei 5/1997, de 22 de xullo, da Administración Local de Galicia, respectivamente, o Concello de Lugo ten como competencias, no seu municipio, entre outras: (i) a promoción da actividade turística de interese e ámbito local; (ii) a promoción da cultura, actividades e instalacións culturais; e (iii) a promoción do deporte e instalacións deportivas e de ocupación do tempo libre.

Que, no exercicio das devanditas competencias, o Concello de Lugo, está interesado en promover distintos proxectos e actividades socioculturais e de promoción turística en Lugo, e como todos os anos, pon en marcha a XXIII edición de *Arde Lucus*, unha festa de recreación histórica que devolverá á cidade de Lugo a la época del Imperio Romano (Século I-II d. C).

O Arde Lucus lembra a fundación da cidade dentro do marco incomparable histórico proporcionado pola Muralla de Lugo, declarada Patrimonio da Humanidade pola UNESCO no ano 2000, e é unha oportunidade de achegamento ao pasado romano

de Lugo, e coñecer a súa historia. Hai anos que esta festa foi gañando importancia combinando cultura e ocio, e converteuse nun referencia a nivel nacional, como demostra a súa gran repercusión nos medios e afluencia pública. En 2011, décimo aniversario do festival, a Xunta de Galicia concedeulle o título de Festa de Interese Turístico Galego, declarada festa de interese turístico nacional no ano 2017 e no 2023 festa de interese turístico internacional.

Que, a súa vez, CORPORACIÓN HIJOS DE RIVERA, S.L. está interesada en prestar a súa colaboración co Concello de Lugo no fomento e apoio de proxectos e actividades socioculturais, de promoción turística e festas e, no seu caso, desenvolvemento dos mesmos, nos termos dispostos no presente documento.

Que, a tales efectos, o artigo. 48.3 de la Lei 40/2015, de 1 de outubro, de Réxime Xurídico do Sector Público, permite a subscripción de convenios co fin de mellorar a eficiencia da xestión pública, facilitar a utilización conxunta de medios e servizos públicos, contribuír á realización de actividades de utilidade pública e cumprir coa lexislación de estabilidade orzamentaria e sostenibilidade financeira. Visto o interese da entidade CORPORACIÓN HIJOS DE RIVERA, S.L. por colaborar co Concello de Lugo no desenvolvemento de distintos proxectos e actividades socioculturais e de promoción turística en Lugo, e, especialmente, do desenvolvemento da XXIII edición de Arde Lucus, ámbalas partes acordan asinar este Convenio de Colaboración, acolléndose ao contemplado no artigo. 47.2.c) da Lei 40/2015, de 1 de outubro, de Réxime Xurídico do Sector Público, que permite os convenios entre unha Administración Pública, organismo ou entidade de dereito público e un suxeito de Dereito privado, e o artigo. 25.1 da Lei 49/2002, de 23 de decembro, de Réxime Fiscal das Entidades sen fins lucrativos e dos Incentivos Fiscais ao Mecenado, y

CONVEÑEN

PRIMEIRO.- O obxecto deste convenio é regular a colaboración económica, sen carácter exclusivo, entre o Concello de Lugo e CORPORACIÓN HIJOS DE RIVERA S.L. a fin de fomentar, impulsar e apoiar as actividades socioculturais e de promoción turística e festas no Concello, e, en especial, o desenvolvemento da XXIII edición de Arde Lucus, que se celebrará os días 13 a 16 de xunio de 2024. A celebración da festa, entendida como promoción e prestación dun servizo público que contribúe a satisfacer as necesidades e aspiracións da comunidade veciñal, é competencia do Concello de Lugo, segundo o artigo 25 da Lei 7/1985, de 2 de abril, Reguladora das Bases de Réxime Local.

SEGUNDO.- Como parte desta colaboración, a Empresa aporta voluntariamente a cantidade de 15.000,00 euros, para contribuír aos gastos relativos ao fomento e desenvolvemento por parte do Concello, das festas, eventos e/ o proxectos socioculturais ou de promoción turística no Concello, e en especial, á celebración do Arde Lucus. Dita cantidade ingresarase na conta do Concello número ES59 2080/0101/56/3110000947, sempre con carácter previo ao inicio das actividades e preferiblemente á sinatura do presente Convenio. O Concello asumirá a

organización, coordinación e desenvolvemento dos eventos, actividades e/o festas obxecto deste convenio na súa integridade, e especialmente, a festa de Arde Lucus (no seu caso, infraestruturas, necesidades técnicas de produción, publicidade, venda de entradas, dereitos de autor, seguridade, contratación, etc.), mantendo integramente indemne a CORPORACIÓN HIJOS DE RIVERA, S.L. de calquera responsabilidade, de calquera índole e natureza, derivada das mesmas. En todo caso, as partes manifestan expresamente que a aportación de CORPORACIÓN HIJOS DE RIVERA, S.L., de acordo ao disposto nesta cláusula, en ningún caso, resulta superior os gastos previstos para a execución da mesma.

O Concello de Lugo expedirá as certificacións oportunas ás aportacións realizadas aos efectos legais, e concretamente, a Certificación Xustificativa da recepción da aportación realizada pola entidade CORPORACIÓN HIJOS DE RIVERA, S.L., emitindo o Concello a tal efecto os correspondentes documentos que así o acrediten.

TERCEIRO.- Pola súa parte, o Concello de Lugo asume expresamente fronte a Empresa o compromiso de considerarlle colaborador institucional do Concello de Lugo, e, en especial, da festa de Arde Lucus, considerada de interese xeral polo Concello, e incluírá, na condición de colaborador institucional, os logotipos da entidade CORPORACIÓN HIJOS DE RIVERA S.L. – ESTRELLA GALICIA nos programas e calquera soportes de festas, proxectos e/o eventos socioculturais, musicais o turísticos, e especialmente, nos carteis e programas realizados con motivo da feira de Arde Lucus e difundirá por todos os medios de comunicación que utilice para a súa difusión a participación da entidade colaboradora.

Ao finalizar a vixencia do presente convenio, o Concello enviaralle á entidade colaboradora á Certificación Informativa das actividades realizadas ás que foi destinada a aportación económica. Ademais, o Concello incluírá á CORPORACIÓN HIJOS DE RIVERA, S.L., con carácter xeral, en calquera enumeración de colaboradores institucionais do Concello que resulte efectuada no ámbito de festas, especialmente na festa de Arde Lucus e/o calquera actividades, eventos e/o proxectos culturais ou de promoción turística en Lugo, que poidan ser considerados de interese xeral polo Concello.

Así mesmo, o Concello declara ter feito a tramitación legalmente establecida na normativa que lle resulta aplicable, en xeral, e no artigo 50 da Lei 40/2015, de 1 de outubro, de Réxime Xurídico do Sector Público, en particular, incluíndo a realización da preceptiva Memoria Xustificativa, en virtude da cal, o Concello analiza a necesidade do convenio, á súa oportunidade, o impacto económico, o carácter non contractual da actividade en cuestión e, o cumprimento de todos os termos previstos en la citada Lei, e a dita documentación poderá ter acceso a Empresa si así o solicita.

O Concello de Lugo recoñecerá ao grupo empresarial de CORPORACIÓN HIJOS DE RIVERA, S.L. como colaborador institucional principal do sector de bebidas correspondente ao mesmo, nos eventos e/o proxectos socioculturais de Lugo, a cuxo desenvolvemento vai destinada a aportación realizada no marco deste convenio, e, en especial, na festa de Arde Lucus.

CUARTO.- O incumprimento de calquera das cláusulas deste Convenio de colaboración dará lugar á rescisión inmediata das obrigas contraídas polas partes. Será causa de extinción do convenio igualmente as expostas no artigo 51.2 da Lei 40/2015, de 1 de outubro, de Réxime Xurídico do Sector Público.

En casos de forza maior que faga o cumprimento do presente Convenio imposible, o convenio entenderase resolto dende a data da comunicación remitida por calquera das partes, tendo que devolver o Concello as aportacións económicas, de maneira íntegra, a CORPORACIÓN HIJOS DE RIVERA, S.L. A estes efectos entenderase por forza maior os terremotos, tifóns, pandemias, epidemias, inundacións, incendios e outros desastres naturais, guerras, disturbios e accións militares similares, embargos, outras restricións e accións do goberno.

QUINTA. - Este convenio ten a consideración de convenio de colaboración, e non constitúe en ningún caso contrato de patrocinio ni de prestación de servizos. O seu réxime xurídico será o contido na seguinte lexislación:

- Lei 7/1985, de 2 de abril, Reguladora das Bases do Réxime Local.
- Lei 5/1997, de 22 de xullo, da Administración Local de Galicia.
- Lei 49/2002, de 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado.
- Lei 39/2015, de 1 de outubro, do Procedemento Administrativo Común das Administracións Públicas.
- Lei 40/2015, de 1 de outubro, de Réxime Xurídico do Sector Público.


SEXTO.- As dúbidas que xorden na interpretación e execución desta colaboración será resolto por unha Comisión Mixta integrada por dous membros en representación de cada unha das partes firmantes. Neste sentido, as partes comprométense a tratar de resolver de boa fe calquera controversia que xurda entre eles por razón dos termos, interpretación ou execución deste Convenio, así como facer os seus mellores esforzos para adoptar ou acordar e implementar as iniciativas necesarias para o seu cumprimento e desenvolvemento.

SÉTIMO.- Este Convenio non será prorrogable e estará en vigor desde a data da súa sinatura ata o día 16 de xunio de 2024.

OCTAVO.- As partes informarán aos respectivos representantes legais deste convenio que os seus datos persoais, conforme se reflicten nos respectivos encabezamentos, se incorporaran aos ficheiros de cada una de elas a efectos da xestión da presente relación xurídica. Tales representantes, en calidade de Titulares dos Datos, toman debido coñecemento de que poden exercer os seus dereitos por correo dirixido a sede da parte correspondente.

Por todo o exposto, asinan as partes o presente convenio por triplicado, en proba da conformidade arriba expresada.

CONCELLEIRO DE XUVENTUDE E DEPORTES



Asdo.: Jorge Bustos Atanasio

EMPRESA
CORPORACIÓN HIJOS DE RIVERA S.L.



Asdo.: Antonio Viejo Puga